

Bwrdd Gweithredol Tŷ'r Cwmnïau – cofnodion cryno – 22 Hydref 2009

Cywirdeb Data

Bu'r Bwrdd yn trafod y dadansoddiad a gynhaliwyd ynghylch cywirdeb y data a gedwir ar y gofrestr, gan ddod i'r casgliad, er nad oes problem arwyddocaol, bod angen casglu gwybodaeth bellach.

Rheoli Asedau Gwybodaeth – Diweddariad

Bu'r Bwrdd yn trafod y gofynion y mae angen delio â nhw er mwyn cyflawni'r lefelau cydymffurfio gofynnol ar gyfer Fframwaith Polisi Diogelwch a Model Aeddfedrwydd Sicrhau Gwybodaeth.

Rhaglen y Ddeddf Cwmnïau – Diweddariad

Cyflwynwyd y diweddariad diweddaraf i'r Bwrdd yn dilyn gweithrediad Deddf Cwmnïau 2006 ar 1 Hydref. Yn gyffredinol, roedd y broses weithredu wedi mynd rhagddi yn dda; nodwyd rhai problemau technegol a rhai a oedd yn ymwneud â chwsmeriaid, ac mae'r rhain yn cael sylw.

Rhaglen e100 – Diweddariad

Hysbyswyd y Bwrdd bod cynnydd da yn cael ei sicrhau o ran y Prosiect Gallu Electronig Estynedig (EECP). Nodwyd bod cynllun llawn o un pen i'r llall yn cael ei gwmpasu er mwyn diffinio sefyllfa'r rhaglen ar y diwedd.

Diweddariad ynghylch Bwrdd Busnes yr Asiantaeth (ABB) a Cherdyn Sgorio Misol ar gyfer mis Awst

Darparwyd y diweddariad misol ar gyfer y Bwrdd gan ABB.

Perfformiad Ariannol

Dosbarthwyd y Pecyn Adrodd Ariannol misol ar gyfer mis Awst i'r aelodau er gwybodaeth.

Adolygiad o'r Risgiau Allweddol i'r Bwrdd Gweithredol

Bu aelodau'r Bwrdd yn adolygu'r gofrestr risgiau bresennol, gan gytuno i'r diwygiadau ar gyfer rhai o'r proffiliau risg a gyflwynwyd.

Rheolaeth Dilyniant Busnes (BCM) – Diweddariad

Darparwyd adroddiad statws o'r gwaith a gyflawnwyd hyd yn hyn i'r Bwrdd. Cytunwyd y byddai adroddiad ar gynnydd yn cael ei gyflwyno i'r Bwrdd bob blwyddyn yn ystod ei gyfarfod ym mis Hydref.

Ysgrifenyddiaeth Hydref 2009